

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17) i čl. 20. i 248. Zakona o bankama ("Službene novine Federacije BiH", broj: 27/17), Upravni odbor Agencije za bankarstvo Federacije Bosne i Hercegovine, na sjednici održanoj 13.10.2017. godine donosi

ODLUKU
O EVIDENCIJI BANKE I ORGANIZACIJSKOG DIJELA BANKE SA SJEDIŠTEM U
REPUBLICI SRPSKOJ ILI BRČKO DISTRIKTU I PREDSTAVNIŠTVA BANKE
OTVORENOG U FEDERACIJI BOSNE I HERCEGOVINE

Član 1.

- (1) Ovom odlukom se uređuje vođenje i objavljivanje podataka iz evidencije Agencije za bankarstvo Federacije Bosne i Hercegovine (u daljem tekstu: Agencija).
- (2) Agencija vodi evidenciju banaka, organizacijskih dijelova banaka sa sjedištem u Republici Srpskoj ili Brčko Distriktu i predstavništava banaka otvorenih u Federaciji Bosne i Hercegovine (u daljem tekstu: Federacija BiH).
- (3) Agencija vodi evidencije iz stava (2) ovog člana u internom informacionom sistemu i u isti se pohranjuju upisi u evidencije i skenirana dokumentacija na osnovu kojih se vrši upis.
- (4) Evidencije stava (3) ovog člana se objavljuju na zvaničnoj web stranici Agencije.

Član 2.

Evidencija banaka sadrži podatke o banci, upravi banke, nadzornom odboru banke, eksternom upravniku, posebnom upravniku i rješenje o pokretanju postupka likvidacije banke i imenovanju, razrješenju ili produžetku mandata likvidatora banke.

Član 3.

- (1) Podaci o nazivu banke i upravi banke, puni naziv banke, skraćeni naziv banke, sjedište banke, ime i prezime članova uprave banke, upisuju se u internom informacionom sistemu na osnovu rješenja o upisu u sudski registar poslovnih subjekata što se odmah ažurira i na web stranici Agencije.
- (2) Rješenja o upisu u sudski registar poslovnih subjekata se skenira za predmetni upis u internom informacionom sistemu i isto se ne objavljuje na web stranici Agencije.

Član 4.

- (1) Podaci o nadzornom odboru banke, ime i prezime članova nadzornog odbora, upisuju se u internom informacionom sistemu na osnovu odluke skupštine banke o imenovanju članova nadzornog odbora što se odmah ažurira i na web stranici Agencije.
- (2) Odluka skupštine o imenovanju članova nadzornog odbora banke i izjava o prihvatanju kandidature se skeniraju u internom informacionom sistemu i isto se ne objavljuje na web stranici Agencije.

Član 5.

- (1) Podaci o eksternom upravniku banke, ime i prezime i broj rješenja, upisuju se u internom informacionom sistemu na osnovu rješenja o uvođenju eksternog upravnika što se odmah ažurira i na web stranici Agencije.
- (2) Rješenje o uvođenju eksternog upravnika skenira se u internom informacionom sistemu i isto se ne objavljuje na web stranici Agencije.

Član 6.

- (1) Podaci o posebnom upravniku, ime i prezime i broj rješenja, upisuju se u internom informacionom sistemu na osnovu rješenja o imenovanju, razrješenju ili produžetku mandata što se odmah ažurira i na web stranici Agencije.
- (2) Rješenje o imenovanju, razrješenju ili produžetku mandata skenira se u internom informacionom sistemu i isto se ne objavljuje na web stranici Agencije.

Član 7.

- (1) Podaci o pokretanju postupka likvidacije banke i imenovanju, razrješenju ili produžetku mandata likvidatora, ime i prezime i broj rješenja, upisuju se u internom informacionom sistemu na osnovu rješenja o pokretanju postupka likvidacije banke i imenovanju, razrješenju ili produžetku mandata likvidatora što se odmah ažurira i na web stranici Agencije.
- (2) Rješenje o pokretanju postupka likvidacije banke i imenovanju, razrješenju ili produžetku mandata likvidatora skenira se u internom informacionom sistemu i isto se ne objavljuje na web stranici Agencije.

Član 8.

- (1) Podaci organizacionih dijelova banaka sa sjedištem u Republici Srpskoj, ime banke, sjedište banke i ime i sjedište organizacionog dijela, upisuju se u internom informacionom sistemu na osnovu rješenja o upisu u sudski registar poslovnih subjekata što se odmah ažurira i na web stranici Agencije.
- (2) Rješenja o upisu u sudski registar poslovnih subjekata se skenira za predmetni upis u internom informacionom sistemu i isto se ne objavljuje na web stranici Agencije.

Član 9.

- (1) Podaci organizacionih dijelova banaka sa sjedištem u Brčko Distriktu, ime banke, sjedište banke, ime i sjedište organizacionog dijela, upisuju se u internom informacionom sistemu na osnovu rješenja o upisu u sudski registar poslovnih subjekata što se odmah ažurira i na web stranici Agencije.
- (2) Rješenja o upisu u sudski registar poslovnih subjekata se skenira za predmetni upis u internom informacionom sistemu i isto se ne objavljuje na web stranici Agencije.

Član 10.

- (1) Podaci o predstavništvu banke otvorenog u Federaciji BiH, ime banke i ime i sjedište predstavništva, upisuju se u internom informacionom sistemu na osnovu akta o upisu u evidenciji nadležnog organa ukoliko je to predviđeno propisima te zemlje ili na osnovu rješenja Agencije što se odmah ažurira i na web stranici Agencije.
- (2) Akt o upisu u evidenciji nadležnog organa ukoliko je to predviđeno propisima te zemlje ili rješenje Agencije se skenira za predmetni upis u internom informacionom sistemu i isto se ne objavljuje na web stranici Agencije.

Član 11.

- (1) Banka je dužna u roku od 5 dana od izvršenih upisa i donošenja odluka iste dostaviti u Agenciju.
- (2) Dokumentacija koja se dostavlja u skladu sa ovom odlukom dostavlja se u originalu ili u ovjerenoj kopiji.
- (3) Dokumentacija koja se dostavlja u Agenciju mora biti u skladu sa zakonima koji uređuju tu oblast te mora biti na jednom od službenih jezika koji su u upotrebi u Bosni i Hercegovini (u daljem tekstu: BiH).
- (4) Dokumentacija koja se dostavlja na stranom jeziku mora imati uz original ili ovjerenu kopiju i njegov prijevod na jednom od službenih jezika u BiH, koji je ovjerio sudski tumač.

Član 12.

Ova odluka stupa na snagu osmog dana nakon objavljivanja u "Službenim novinama Federacije BiH".

Broj: U.O.-08-17/17
Sarajevo, 13.10.2017. godine

PREDSJEDNICA
UPRAVNOG ODBORA

mr. sc. Ljerka Marić, dipl.oec., s.r.